

Sabri Godo



Kohët
që shkijnë,
kohët
që vijnë

PËRSHKRIME DHE REPORTAZHE

8-413
863

Sopu Gao

REDAKTOR
ARDIAN KLOSI

KOHËT

QE SHKONE

KOHËT

QE VITNE

berspëttime që te bënë

SHTRIJA HOMOSEXUALIM TRANSHERI

KALËRIMI I GJATË MBI DRIN

Kurora e dytë

Ruga e asfaltuar në pyjet me ah. Më tej fillon pisha. Në qafat dhe majat shfaqen skele me përkrenare, dyzet metra të larta. Telat e trashë prej alumini shndritin në qiell. Është «qarku i dytë i Fierzës». Njeriu ndien se po ecën drejt një burimi të fuqishëm energjie, që përhapet mbi shpatet e maleve.

Ruga malore është plot me befasi. Drini i shndërruar në liqen të gjatë, të blertë, si pyjet që përshkon. Pastaj diga, masivi kolosal që ka zënë rrjedhën e lumit. Në mes të digës kalon një «qilim» ngjyrë tulle, në të dyja anët e «qilimit» shtresa me zhavorrin e hirtë, në anët e jashtme, shtresa me ngurë të bardhë. Në shpinën e digës lëvizin mjetet e rënda, që duken nga lart si ca buburrecë metalikë të gëzuar, ndërsa njerëzit mezi shquhen.

Ngjyrat e digës, gjallëria e saj, krijojnë një kontrast të fortë me luginën e ashpër. Përtej digës, që ka filluar të mbajë liqenin e blertë me dy miliardë m³ ujë, vazhdon rrjedhën Drini i holluar, si një vijë mellani, për t'u takuar pak më poshtë me Valbonën e lirë e të kal-tër.

Këtu duhet të përbash thirrjet e habisë. Fotoreporteri, që është edhe shofer, ngutet të fotografojë, me lëvizjet e njeriut që ka rënë në një pre të madhe. Më duket se mundohet më kot. Diga dhe liqeni kanë përmasa që nuk i nxë fokusi i aparatit.

1

Fierzën duhet ta shohësh pjesë-pjesë.

Në të djathtë janë tunelet e shkarkimit. Një i porsaardhur nuk e gjen lehtë hyrjen e tyre, sepse në mal janë hapur edhe galeri anësore, pa të cilat heqja e dheut dhe e gurrevë do të kishte zgjatur pesëdhjetë vjet.

Tunelet e vërteta të kësaj ane janë katër. I pari, ai që devijoi Drinin gjatë punimeve, është mbyllur përjetë me një tapë betoni. I dyti është taposur gjithashtu me një konstruk-sion metalik për t'u hapur në raste të veçanta. I treti shkarkon një pjesë të ujërave të tepërtë, menj shpejtësi të rrallë në lëmin e hidroteknikës botërorë.

Poshtë, në shtatin e lumit, ku janë vendosur në trajtë amfiteatri bloqet e mëdha të betonit, është pika e «shuarjes së energjisë». Tani aty sundon qetësia. Grykat e tuneleve rrinë në përgjim. Lëviz vetëm uji i paktë, që kalon nga tuneli i tretë sa për të sajuar Drinë.

nin. Sikur tē lëshohej plot gojēn ky tunel, një katarakt i madh do tē kërcente qindra metra nē ajér, do tē gjëmonte me shkumë e tym tē bardhë lugina, një shi i vërtetë do tē binte nga lart, i sajuar nga pikat e ujit tē hedhura me një rreze 2 km. Kjo është bërë vetëm një herë, kur u desh tē ulej fare pak liqeni. Jo çdo gazetar ka fatin ta shohë me sytë e tij «shuarjen e energjisë».

Më lart ndodhet tuneli 4, që është nē përfundim. Kur vizatoheshin nē letër këto tunele, shkencëtarët thanë se prurja më e madhe e Drinit ngjan një herë nē dhjetë mijë vjet. Projektuesit thanë se do tē llogaritnin që tunellet tē shkarkojnë lirisht ujin që mund tē sje llë Drini qoftë edhe një herë nē dhjetë mijë vjet.

Pyes një minator nëse ka dëgjuar për ujin që sjell Drini një herë nē dhjetë mijë vjet. Ai s'ka dëgjuar një gjë tē tillë. Thotë se këtë duhet ta dinë inxhinierët dhe Xhemë, brigadieri i vjetër.

* * *

Po Fierzën s'mund ta shohësh pjesë-pjesë. Për tē kuptuar mekanizmin e madh që lëviz nën beton, duhet tē kthehesë nē kantier, nē zyrën e skemave, aty ku vepra zvogëlohet mijëra herë.

Skemat e ngatërruara varur nē mure zënë e qartësohen për mrekulli, marrin shpirt. Të duket se edhe vetë mund ta kishte projektuar një gjë tē tillë kaq tē thjeshtë. Thjeshtësia është veti e gjenialitet tē vërtetë. Megjithatë duhet një bisedë prej dy orësh që tē

shpjegohen këto gjëra të thjeshta. Sa më thellë hyn në të, aq më tepër bindesh se thjeshtësia ka shpirtin e vet, ajo nuk është një ekivalënt i lehtësisë.

I kthehem digës, kësaj here i pajisur me «të dhënë teknike», me njohuritë e duhura përtë kuptuar. Prapë shikon se në çdo hap ke ende përtë mësuar.

Fillon ngjitja e digës, një llogara në miniaturre, me shtatë kthesa. Në rrugën e saj të gjerë ecin kamionët 32-tonësh. Shoferët, që nga kabinat e vogla me xham, përshëndetin këmbësorët. Gurët kthejnë mbrapsht rrezet e pingultat të diellit. Shtohet nxehësia.

Sipër, në kurrizin e digës, ajri është më i lehtë. Masivi që ke nën këmbë të komunikon një ndjenjë fuqie. Duhen përtypur fjalët që të tregosh përdimensionet e vërteta të digës. Mbështetje mund të bëhet më mirë me anë të krahasimit. Krahasimi më i goditur më duket ai që thotë: Me lëndën e derdhur në këtë digë mund të ndërtohej një mur që të rrethonte tërë vijën e kufirit të Republikës.

Në të majtë del mbi liqen vepra e marrjes, me dy konstruksionet masive prej betonarmeje. Të dyja kullat qëndrojnë mbi liqen të vetmuara, autoritare. Rreth tyre pluskojnë qeninë të gjalla. Notojnë njérëzit. Kulla e parë pengon kalimin e drurëve. Kulla e dytë, 84 metra e lartë, është porta e katër tuneleve, në dy të tretat e gjatësisë së blinduar, që çojnë ujin në turbinat. Blindazhet e rënda ecin nën tokë. Prapë jehojnë në ajër ato fjalët «vepër e rrallë në lëmin e hidroteknikës». Qenkan një varg me objekte «të rralla», që sajnjë tërësinë e veprës. Në grykat e tuneleve me blindazh të rë-

ndë të duket se ndodhesh para disa gypave me shkëlqim të errët që synojnë thellësitë e mëdha të tokës. Në këtë anë të veprës nuk sheh gjë tjetër në sipërsaqe. Në sy të mbeten vetëm të dy kullat, të cilat janë në marrëdhënie të nënüşhme me liqenin. Më e vogla prej tyre është sa hoteli i ri i Tiranës.

Ecim në digë, që është më e madhja e llojit të vet në Evropë. Përmes kurrizit të saj të sheshjtë kalon vija ngjyrë tulle e argjilit. Kësaj i thonë «bërthama argjilore», e mbështetur në një «jastëk» betoni të trashë. Brenda këtij jastëku janë ndërtuar galeritë, «për të krijuar, me anë të injektimit të solucionit të çimentos, perdet kundër filtrimit». Veprat e thjeshta nuk janë më të lehtat. Këtu kanë punuar për dy vjet e gjysmë 250 punëtorë, me tri ndërresa, me porosi të prerë që të mos ketë asnje lëshim në cilësinë.

Pesë vjet më parë, kur zgjidhej vendi për themelit e kësaj dige, u gërmuan tridhjetë metra thelli si shtratin e lumit për të gjetur bazën shkëmbore. Pastaj u la e u pastrua guri, derisa shkëlqeu si dhomë pritjeje, dhe nisi bëtonimi i themelit të bërthamës prej argjili. Kjo digë masive, mbi të cilën u hodhën tetë milionë m^3 materiale, është e lidhur me shkëmbin e dheut, e llogaritur për t'u qëndruar fenomeneve sizmike e hidroteknike. Kjo digë e lartë dhe e fortë do t'i qëndrojë yetë kohës.

2

Brigadier Xhemë ka shkuar për furnizim. Sabriu, minatori i ri prej Lure, tregohet i gatshëm të vijë me ne për të gjetur brigadierin.

Një orë më pas që të tre pimë në klub birrë të freskët me vezë të ziera.

— Ke bërë mirë që shoqërove mikun... për hir të punës e të sjelljes, — i thotë Xhemë Sabriut.

Fytyra e pashme e djaloshit skuqet prej kë-naqësisë. Ai ka një trup prej atleti. Është aq «i shkathët», sa ta kapë në ajër atë që i thua. Por veçanërisht «i shkathët» ndaj atyre që thotë e bën brigadieri, dhe të kujton një pinjoll të lumtur që del në botë duke ecur në gjurmët e të atit.

— Njeriu nevrik has pengesa, — thotë prapë Xhemë. Nuk kuptohet nëse kjo ka lidhje me dikë aty, në furnizim, apo është një këshillë përdjalin.

Xhemë, prej Armit të Kukësit, është 46 vjeç, me lëvizjet e ngadalta të një punëtori të vjetër me kasketën shrembër. Ka qenë në Bitricë, në Vaun e Dejës, dhe prej nëntë vjetësh në Fierzë.

— A do të shkoni në Koman?

— Nuk i dihet se ku na çon ndërmarrja. Dëshirën e kemi.

I them se ndofta ka punë dhe e pengoj.

— Do të rrojmë sa kemi rrojtur, jo më shumë. Kemi mall të rrimë pesë minuta me një shok, s'po na del koha, — thotë ai.

— Xhemë është komunist, — thotë Sabriu i skuqur flakë.

Xhemë hesht. E kupton djalin. Djali gjëzohet, krenohet për Xhemën si për babën e vet.

I recitoj Xhemës një strofë për të qeshur.

— Si, si?

Ai zgjat kokën. Kur ia përsërit, fytyra i merr dritë.

Ky burrë është i lidhur me tokën si diga

me shkëmbin. Ai përhap rrreth vetes qetësi. Unë përpinqem të eci me ritmet e tij, të flas ngadalë, pa fjalë të urta. Xhemë nuk është maledor i fjalëve të urta, të zgjedhura. Ato që thonë vijnë nga brenda, të vërbeta e të thjeshta.

* * *

Kur brigada e tij u shpall heroinë, Xhemë u thirr në Tiranë. Ishin Festat e Nënëtorit. Qëndroi aty pesë ditë. Zëri i tij i butë bëhet edhe më i ulët. Ai habitet edhe sot. «Kush isha unë, që më çuan para gjithë udhëheqjes!» Pastaj e çuan në pritjen e Pallatit të Brigadave dhe aty ishte shoku Enver.

— Nuk i lahemi kurrë Partisë.

Xhemë dredh cigare. Për miqtë mban paketë.

— Sabriu punon këtu prej viti 1972. Shkoi ushtar dhe u kthyesh përapë. Tani mëson natën për elektricist, — thotë Xhemë, duke ngritur mbi djalin një gisht paralajmëruesh.

Djali, i rritur nën hijen e Xhemës, u kap në befasi, lëviz i shqetësuar, kërkon me ngut në mendje ndonjë gjë që mund të mos e ketë bërë mirë. Sytë e Xhemës i thonë se gjërat ecën si duhet, veçse ai, si djalosh, gjithnjë të ketë kujdes. Djaloshi ka dëshirë të porositë tri birra nga ana e tij.

— Jo, — thotë Xhemë. Kur thotë ai jo, kuptohet se s'mund të jetë ndryshe. S'kam parë njeri tjetër, që ta ketë pohimin ose mohimin aq përfundimtar. Ndofta kjo anë e karakterit të tij lidhet me punën, ndofta i tilljë është ai vetë. Atij nuk i rronin fëmijët. I kishin vdekur pesë njëri pas tjetrit, pa mbushur vitin. Po në Tiranë e gjetën shkakun dhe jeton fëmija

i gjashtë, vajza që po hedh shtat plot shëndet.

— Në dasmë të vajzës, Xhemë!

Një mallëngjim ndizet në sytë e tij, të duket se sheh sytë e një fëmije në vijgiljen e një festë. Pastaj ai ngre gotën, bëhet prapë Xhemë i disa çasteve më parë, me fytyrën e mirë të rrudhur, njeriu që s'ka kohë të merret me veten, se është tepër i zënë me gjëzimet, sukseset dhe hidhërimet e të tjerëve.

— Prej dy javësh nuk i ke shkruar shtëpisë, — i thotë Sabriut. — Plaku është ankuar.

Djaloshi skuqet, lëviz duart, shikon andej-këndej.

— Kam shkruar sot, — përgjigjet.

Nga jashtë vjen gjëmimi i vazhduar i kamionëve të rëndë, duke sjellë një dridhje të lehtë të tokës. Xhemë dhe djaloshi janë mësuar me këtë zhurmë. Po të ndalej ajo, ata do të 'ngrinin' kokën me shqetësim. Që nga dritarja duke lumi, më i fryrë e më i qetë, sikur tërheq një barrë. Sot kanë lëshuar për eksport turbinën e dytë. Si do të dukej lumi, po të lëshoheshin të katër turbinat?

Kur nisi Fierza, ndonjë gazetar apo poet i ri e quajti Drinin përbindësh që po mposhtej, i thirri gjithfarë emrash që ndjellin tmerr. Ndësa Drini është një pasuri e madhe e natyrës. Ai ka rrjedhur në punën e vet për mijëra vjet, duke u fryrë në dimër, e holluar në verë, duke pritur ditën. Tani që erdhi dita të shtjellojë fuqitë e tij, ai do të japë 1.8 miliard kilovatorë energji elektrike në vit. Përsë i kemi thirrur Drinit më kot gjithfarë emrash?

Ia them këtë Xhemës. Ai pëlqen mendimin, — Drini është pasuri e madhe e popullit,